



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. III. Solvuntur argumenta Adversariorum,

[urn:nbn:de:hbz:466:1-77232](#)

DISPUTATIO QVARTA

loco suprà citato: Aeternitas enim, ut suprà ostendimus, est formaliter duratio divini esse, quæ est aliquid reale & positivum; est enim realis & positiva permanentia in tali esse, & desitioni opponitur, quæ negatio quedam est: Ergo aeternitas non constituitur per negationem, sed potius alicui negationi opponitur.

Addo quod negationes illæ dependentiae vel successionis, in quibus Scotus, & Suarez, rationem formalem aeternitatis constituant, possunt convenire aliis attributis: nam negatio dependentiae non convenit Deo formaliter, ratione aeternitatis, sed ex eo quod haber esse à se, & est communis omnibus aliis perfectionibus divinis; & similiter negatio successionis convenient immutabilitati, qua etiam motu & successione caret.

Addo etiam, quod in definitione aeternitatis à Boëtio tradita, præter negationem termini, vel terminabilitatis, ponitur etiam positiva ratio uniformitatis & mensuræ, dicendo quod est tota simul & perfecta possessio: Ergo aeternitas non est attributum negativum, sed positivum, quamvis connotet aliquam negationem, & fundet aliquem respectum rationis, sine quo non potest à nobis perfectè intelligi. Unde quando D. Thomas hic art. 1. dicit, *Sicut ratio temporis consistit in numeratione prioris & posterioris in motu, ita in apprehensione uniformitatis eius quod est omnino extra motum, consistit ratio aeternitatis*, non loquitur de numeratione & apprehensione actuali, sed de aptitudinali, & radicali, que est actualis numerationis, & apprehensionis fundamentum: vel ut alij dicunt, non loquitur de apprehensione formalis, sed de objectiva.

§. III.

Solvuntur argumenta Adversariorum.

148. Objicies primò cum Vazque: D. Thomas in 1. dist. 19. quaest. 1. art. 1. ad 4. dicit, *Divina magnitudo nullo modo est mensurabilis, vel mensurata, nec ab alio, nec à se, quia mensuratio ponit terminationem*. Ergo aeternitas non habet rationem mensuræ, respectu divini esse.

Confirmatur primò: Illud quod est infinitum non potest mensurari: Sed esse divinum est infinitum in duratione, sicut in perfectione: Ergo non potest ab aeternitate mensurari.

Confirmatur secundò: Omnis mensura duplum importat imperfectionem Deo repugnante: Prima est distinctione realis à mensurato, quia mensura & mensuratum relativè dicuntur: unde sicut si pater non distinguitur à filio, hoc ipso tollitur ratio patris; ita si mensura realiter identificetur cum mensurato, hoc ipso ratio mensura destruitur. Secundò mensuratum quale, debet esse inferius ad mensuram; alioquin si esset ei æquale, non erit major ratio, cur illud sit potius mensuratum quam mensura: Ergo aeternitas non potest esse mensura durationis esse divini.

149. Ad objectionem respondeo D. Thomam solum intendere, quod divina magnitudo non est mensurabilis ab alio, nec à se, tanquam à mensura formalis, & excedente mensuratum: quia talis mensuræ ratio ponit terminationem in Deo, ut loquitur S. Doctor, non tamen intendit excludere à Deo rationem mensuræ virtutis, infinitæ, & adæquatæ ipsi mensurabilis: hæc enim nullam in Deo arguit terminationem, aut imperfectionem: sicut nulla est imperfectio,

A quod attributa divina respiciant essentiam divinam, ut causam virtualem, & rationem à priori per quam demonstrantur. Ex quo patet responsio ad primam confirmationem, respondetur enim, id quod est infinitum non posse mensurari aliquæ mensuræ infinitæ, quia hæc non adæquatur infinito, neque ab aliqua mensura extrinsecata, quæ sit uniformior & perfectior, quia respectu Dei, nihil perfectius esse potest; bene tamen per mensuram intrinsecam, & non minus infinitam, quam ipse Deus; sicut dicitur Deus comprehendere seipsum per suam cognitionem infinitam, & sicut bonitas infinita dicitur esse mensura amoris, quo seipsum infinitè diligit.

B Ad secundam confirmationem, patet etiam solutio ex supra dictis: ostendimus enim illas conditions solum requiri ad rationem mensuræ extrinsecata, vel formalis; non autem ad mensuram intrinsecam, aut virtualem: nam quando mensura est perfectissima, & intrinsecata, ita habet rationem mensuræ, quod interdum sibi identificat ipsum mensuratum, ut constat in ipsis creaturis: tempus enim non solum est mensura motuum inferiorum, sed etiam motus primi mobilis in quo est; & ævum est mensura durationis supremi Angeli in quo est, & aliorum extra se. Unde ad exemplum de paternitate, in argumento adductum, neganda est partitas: duplex enim reputur ratio discriminis. Prima est, quia paternitas est formaliter relatio, ac proinde essentialiter exigit realem distinctionem à correlativo: mensura autem, licet interdum fundet realem relationem ad mensuratum, non est tamen formaliter relatio. Secunda ratio discriminis sumitur ex parte fundamenti relationis patris ad filium, & mensura ad mensuratum; prima enim fundatur in actione generativa, unde cum de ipsa ratione actionis, sit distinctione realis à suo termino producta, relatio paternitatis, non solum ratione sui, sed etiam ratione sui fundamenti, importat distinctionem realis à filio: at verò mensura antecedenter ad relationem quam fundat, non importat aliquam actionem emissivam, & productivam mensurati, sed solum importat quod sit perfectissima, & uniformis in suo genere, & quod possit applicari & conjungi mensurato: unde quanto perfectior est mensura, tanto majorem requirit uniformitatem, & tanto perfectius conjugitur suo mensurato, subindeque cum aeternitas sit mensura perfectissima, summè conjugitur suo proprio mensurato, ita ut habeat identitatem cum illo.

C Objicies secundò: Si aeternitas haberet rationem mensuræ, vel hoc ei competenter respectu Dei, vel respectu creaturarum? Neutrū dici potest: Ergo rationem mensuræ non habet. Major patet, Minor etiam manifesta videtur: aeternitas enim habet nimiam identitatem cum Deo, cùm enim sit ipsam Dei duratio, ab illo, ne per rationem quidem distinguitur: cum rebus verò creatis nimium excessum, ac dispropportionem; nam illa est infinita, immutabilis, indivisibilis, & tota simul; res verò creatæ, & temporales, finitæ sunt, mutabiles, & successivæ, & prædictæ, præsenti, & futuro constant.

E Confirmatur hæc secunda pars: Aeternitas vel prius mensurat unam partem motus & temporis, quam alteram, vel totam successionem temporis simul attingit. Neutrū dici potest: Ergo nullus modus potest esse mensura, saltem respectu rerum temporalium, & successivarum. Consequens

DE ATTRIBVTIS IN PARTICVLARI. III

patet, Antecedens verò probatur. Nam primum est contra rationem aternitatis, que non habet successionem in mensurando, sed est tota simul possesto rei mensurata: secundum verò est contra rationem temporis, quod non potest simul coexistere secundum omnes sui partes, sed in continuo fluxu, & successione partium priorum, & posteriorum constitut.

132. Ad objectionem respondeo, negando Minorēm, quantum ad utramque partem: aternitas enim mensurat durationem esse divini, tanquam mensura ejus homogenea, propria, & adæquata; durationes verò creatas & inferiores, ut illarum mensura inadæquata, & superexcedens.

Ad primam probationem in contrarium, dicendum est, quod ipsamet Dei duratio, secundum diversos conceptus inadæquatos, habet rationem mensurati & mensuræ: mensurati quidem, inquantum dicit quantitatem, seu extensionem virtualem infinitam; mensura vero, quatenus explicat summam uniformitatem, & immutabilitatem in durando. Sicut divina natura, ut eminenti quadam modo habet rationem intellectionis, & objecti specificativi, simul habet rationem mensurati, & mensuræ, secundum diversos respectus, ut suprà annotavimus.

Ad secundam probationem dicendum, quod ille excessus, ac disproportionis, que inter aternitatem, & durationes creatas reperitur, solum impedit, quod sit earum mensura homogenea, propria & adæquata: non tamen quod sit illarum mensura, inadæquata, & excedens: qui excessus præcipue attenditur in duabus: primo quoad extensionem virtualem, quæ est infinita, utope carens principio & fine: secundo quantum ad modum mensurandi, quia modo immutabili mensurat res temporales & successivas, nec per numerationem, aut replicationem, sicut libra

A mensurat pondus, & ulna pannum, sed per summam unitatem, & indivisibilitatem. Unde D. Thomas I. contra Gent. cap. 66. *Proportio aternitatis ad totam temporis durationem*, est sicut *proportio indivisibilis ad continuum*: non quidem ejus indivisibilis, quod terminus continui est, quod non adest cuilibet parti continui, (tamen enim similitudinem habet insans temporis) sed ejus indivisibilis quod extra continuum est, cuilibet tamen parti continui, sive puncto in continuo signato coexistit: nam cum tempus motum non excedat, aternitas que extra motum est, nihil temporis est. Rursum cum esse aterni nunc quam deficiat, cuilibet tempori, vel instanti temporis praesentaliter adest aternitas Quidquid igitur in qualunque parte temporis est, coexistit aeterno quasi presentis eidem, est respectu alterius partis temporis, sit preteritum, vel futurum.

B Ex hoc patet responsio ad confirmationem: dicendum est enim, quod aternitas, non successiva, sed simul ex parte sui mensurat omne tempus, & res quæ in illo existunt. Nec propter ea est divisibilis, quia coexistit rei divisibili; nam ei non coexistit per modum adæquationis, sicut quantitas bipalmaris, alteri ejusdem magnitudinis commenatur, sed per modum virtutis & continentia eminentialis: sicut anima coexistit corpori, & Angelus loco: vel sicut centrum, quavis indivisibilis, coexistit tamen omnibus lineis, à circumferentia ad illud deductis: ut in Tractatu de scientia Dei latius exponemus, explicando modum quo futura contingentia sunt Deo praesentia in sua aternitate. Agemus etiam in Tractatu de Angelis, de ævo, quod est diminuta quedam aternitatis participatio, existens in sublantius spiritualibus, & corporibus celestibus. Quænam verò sit mensura visionis beatificis, declarabimus Tractatus sequenti.

Disp. 4.

art. 4.

digres-
sione
unica.

Disp. 5.

